

ДИПЛОМАТИЯДЫҚ ҚЫЗМЕТ ТҰҒЫРЫ

Қазіргі қоғамда келіссөздер көп қолданылады. Кез келген мәселені шешу мақсатында Мемлекет басшысынан бастап қарапайым адамға дейін келіссөздер өткізетіні сөзсіз.

Ал халықаралық келіссөздер ұғымы дипломатияда нық бекіген ұғым, өйткені ол – дипломатиялық қызметтің түлі негізі. Халықаралық келіссөздер – әртүрлі елдер өкілдерінің арасында пікір алмасу мақсатында, өзара мүдделі мәселелерді шешуде, алауыздықты реттеуде, әртүрлі саладағы ын-тымақтастықты дамытуда, халықаралық келісімдерді дайындау және жасау барысында негізгі байланыс көзі. Өзара қарым-қатынастар ұзақ мерзімді болуы үшін уағдаласушы тараптар ынтымақтастықтың тиімді жолдарын қарастырады.

Қазақстан Республикасы тәуелсіздіктің алғашқы күндерінен бастап-ақ әділеттілік қағидасын ұстана отырып, барлық елдермен өзара сенім негізінде ынтымақтастық құруға бағытталған бейбіт сыртқы саясат жүргізіп келеді. Қазақстанның қауіпсіздік тірегін ядролық қару емес, байланысты және сындарлы сыртқы саясатқа сенімді негіз қалайтын, Қазақстан халқының бірлігі мен оның тұрақты экономикалық және саяси дамуы болатынын бұйылған әлемге жария етті. Сол ретте қазақстандық дипломатия осы стратегиялық бағытты бұлықтай жүзеге асыруда. Соған орай бүгінгі таңда Қазақстан әлемнің 178 елімен дипломатиялық қарым-қатынас орнатты. Екіжақты ынтымақтастықты жан-жақты нығай-



та түсу мақсатында шетелде Қазақстан Республикасының 57 елшілігі мен 3 дипломатиялық нисанасы, 11 бас консулдары мен 16 консулдары, халықаралық ұйымдарда 4 тұрақты өкілдігі жұмыс істеуде. Қазақстан аумағында шетелдік 69 елшілік, 18 бас консулдық пен консулдық, халықаралық ұйымдардың 24 өкілдігі өз қызметтерін жалғастыруда. Қазақстанда шетелдік елшіліктер мен өкілдіктер санының ұлғая түсуі халықаралық істе еліміздің маңызды серіктес ретіндегі беделінің өсе түскенінің белгісі. Қазақстанның әлемдік қоғамдастық шеңберінде осылай үлесін кетуге әрине халықаралық қатынастар саласындағы білікті мамандардың сіңірген еңбегі орасан. Қазақ дипломаттарының да халықаралық келіссөздердің қыр-сырын жоғары деңгейде меңгере алғанының көрінкісі десе де болады.

Халықаралық қатынастар саласындағы білікті мамандарды дайындауды тәуелсіздіктің алғашқы сәтінен қолға алған ал-

Фараби атындағы Қазақ ұлттық университетінің халықаралық қатынастар факультетінде халықаралық келіссөздер жүргізудің негізгі тәсілдерін үйретуге ерекше назар аударылған. Болашақ мамандарға халықаралық келіссөздердегі тажирібелік шеберлікті меңгеруге барлық жағдай бар. Олардың коммуникативті құзыреттілік деңгейін көтеру үшін халықаралық келіссөздердің түрлері мен әдістерінің қыр-сыры жан-жақты қарастырылады. Сонымен бірге факультет шеңберінде халықаралық қатынастар тарихы, Қазақстан Республикасының сыртқы саясаты, дипломатиялық және консулдық қызметі, дипломатиялық құжаттарды ресімдеу, дипломатиялық протокол мен этикет, келісқақты дипломатия сияқты дәрістер оқылады. Кемінде екі шет тілін меңгеріп шығуға мүмкіндік бар.

А.ӘЛІПБАЕВ, Б.БӨЖЕЕВА,
ал-Фараби атындағы Қазақ халықаралық қатынастар факультетінің доценттері